

ინოვაციური მარკეტინგის არსი და მნიშვნელობა

რეზიუმე

ირაკლი ინასარიძე

სტუდ. დოქტორანტი

სტატიაში განხილულია ინოვაციური მარკეტინგის არსი და ამოცანები; იგი წარმოადგენს ტრადიციული მარკეტინგის მოდერნიზებულ სახეს, რომელიც ორიენტირებულია მარკეტინგის მეთოდების მუდმივად განახლებაზე ინოვაციური იდეების, ტექნოლოგიების, პროდუქციის შექმნა-გავრცელების უზრუნველსაყოფად.

განხილულია ინოვაციური მარკეტინგის ელემენტები და შემადგენლები, რომელთა მიზანია ინოვაციური პროდუქციის წინწამოწევა ინოვაციური იდეიდან მის განხორციელებამდე. გარკვეული ადგილი ეთმობა ინოვაციური მარკეტინგის კონცეფციასა და მისი გამოყენების მიმართულებებს. იგი ჩართულია ინოვაციური პროცესის ყველა სტადიის საქმიანობაში - დაწყებული იდეის ფორმირებითა და სამეცნიერო-კვლევითი სამუშაოებით დამთავრებული პროდუქციის ბაზარზე გავრცელებით.

საკვანძო სიტყვები: ინოვაცია, მარკეტინგი, ინოვაციური მარკეტინგი, პროდუქტი, საქონელი, მომსახურება, სამუშაო, იდეა, მარკეტინგის მეთოდები, ინოვაციური პოტენციალი, მარკეტინგული კვლევები, ინოვაციური პროექტი.

პირითადი ტექსტი

თანამედროვე პირობებში ინოვაციური ტექნოლოგიების რეალიზაცია კომერციულ პროდუქტებში მოსახლეობისათვის სერიოზულ მნიშვნელობას იძენს. ამ სფეროში კრიტიკულ ასპექტს წარმოადგენს ინოვაცია კონკრეტულ პროდუქტებში, მომსახურებასა და სამუშაოებში, რომელიც მოთხოვნადია მოცემულ ეტაპზე. ინოვაციური მარკეტინგი დამყარებული უნდა იყოს არა ტრადიციულ მარკეტინგულ მეთოდებზე, არამედ მოსახლეობაში ინოვაციის უშუალო გავრცელებაზე მზა პროდუქციის სახით. უწყვეტი მარკეტინგული საქმიანობა, შერწყმული უნდა იყოს წარმოებისა და პროდუქციის გაუმჯობესებასთან ინოვაციური ტექნოლოგიების, მეთოდებისა და საწარმოო პროცესებთან.

ბის დანერგვის საფუძველზე. მარკეტინგული საქმიანობის შინაარსიდან გამომდინარე ინოვაციური მარკეტინგი წარმოადგენს ტრადიციული მარკეტინგის მოდერნიზებულ სახეს, რომელიც ორიენტირებულია მარკეტინგის კომპლექსის, მარკეტინგის მეთოდების, პროდუქციის, მომსახურებისა და სამუშაოების განუწყვეტელ განახლებაზე.

ინოვაციური მარკეტინგი შედგება ორი ელემენტისგან. პირველხარისხოვანი მნიშვნელობა აქვს პროდუქციის სასიცოცხლო ციკლს, დაწყებული ინოვაციური პროდუქციის (მომსახურება, სამუშაოები) დანერგვიდან დამთავრებული მისი ბაზრიდან გასვლით. ამასთან ერთად, ინოვაციური პროდუქციის წამოწევა, ინოვაციური იდეის განხორციელებიდან მის შექმნამდე, მოითხოვს მარკეტინგის კომპლექსის და ახალი მარკეტინგული მიდგომის და ღონისძიებების გამოყენებას.

ინოვაციური მარკეტინგი შეიძლება დახასიათდეს ორი ასპექტით. პირველი - რა უნდა ვიგულისხმოთ მარკეტინგის ინოვაციურ შემადგენლად და მეორე - რომელი კატეგორიაა პრიორიტეტული, მარკეტინგი თუ საქონელი (მომსახურება, სამუშაო).

აქედან გამომდინარე, შესაძლებელია რამდენიმე ვარიანტი:

1. ინოვაციური მარკეტინგის შემადგენელ ნაწილად შეიძლება ვიგულისხმოთ საქონელი, როგორც დამოუკიდებელი კატეგორია, ასევე როგორც მარკეტინგის კომპლექსის ელემენტი.

2. ინოვაციად შეიძლება ჩაითვალოს როგორც პროდუქტია, ასევე მისი უნიკალური მახასიათებლები, შემადგენლობა, მასალა, რომლისგანაც ისაა დამზადებული და სხვა. ამ შემთხვევაში მარკეტინგის კომპლექსი, მიმართული უნდა იყოს ამ ელემენტების ინოვაციურ მახასიათებლებზე, ხოლო პროდუქტია იქნება მეორეხარისხოვანი.

3. თუ ინოვაციური მარკეტინგი გამოიყენება ტრადიციული პროდუქციისთვის, პრიორიტეტუ-

ლი იქნება მარკეტინგი და არა კონკრეტული პროდუქტი. ამ შემთხვევაში პროდუქციის ინოვაციური ხასიათი იქნება ეფემერული, ხოლო ყველა ინოვაცია მიმართული უნდა იყოს მარკეტინგისკენ.

4. ინოვაციური მარკეტინგი, შეიძლება დაფუძნებული იქნეს საქონლის, მომსახურების ან სამუშაოს წარმოქმნაზე. ამ შემთხვევაში, მარკეტინგული მეთოდების ინოვაციური ფასეულობა გაცილებით ნაკლებია, ხოლო ამოცანები მიმართულია მოთხოვნილების გაზრდისაკენ.

პირველ და მესამე შემთხვევაში, მომხმარებელს არ თავაზობენ არავითარ ინოვაციას, რადგან იგი ფიქტიური იქნება იმის გამო, რომ ფირმამ ყურადღება გაამახვილა ახალ მარკეტინგულ ტრადიციაზე. შეცვალა საქონლის სასიცოცხლო ციკლი, შეიტანა კონსუმტიკური ცვლილებები წარმოებაში. მოახდინა ინოვაციური ტექნოლოგიების დანერგვა პროდუქტის შეთავაზების დროს. მაგალითად ბანკები, რომელთა პროდუქტი, რომელიც დაფუძნებულია ფინანსურ კრედიტების სხვადასხვა ფორმებზე არ შეცვლილა საუკუნეზე მეტია, იყენებენ ახალ ტექნოლოგიებს, რათა პროდუქტის შეთავაზება მოხდეს მიზნობრივ, სტატისტიკურად ყველაზე აქტუალური ჯგუფისათვის, რაც აწევს გაყიდვის აღბათობას და შეამცირებს ტყუილად განხორციელებული, ზარალიან კონტაქტს კლიენტთან. კომპანია ყოველივე ამას თვლის ინოვაციად მაშინ, როდესაც არავითარი ფაქტიური ინოვაცია არ შეუთავაზებია მომხმარებლისთვის. მეორე შემთხვევაში, ადგილი აქვს ინოვაციური მიღწევების დანერგვას ახალი პროდუქციის სახით. საქონელი შეიძლება იყოს პრინციპიალურად ახალი. ასეთი იყო მაგალითად, ტელევიზორი თავის დროზე ან დამზადებული ახალი ტექნოლოგიით, მაგ. მაღალი სიმტკიცის ტიტანის ნაკეთობები და სხვა. მეოთხე შემთხვევაში, ინოვაციური მარკეტინგი ორიენტირებულია მხოლოდ ინოვაციის არსზე, ბუნებაზე, რომელიც ხორციელდება მარკეტინგის ტრადიციული მეთოდებით. კარგი მაგალითია ამის ელექტრონული ავტომობილები, რომელთა გამოჩენა ბაზარზე სრულად დაფუძნებული იყო ინოვაციურ იდეებზე და ტექნოლოგიებზე, მიუხედავად იდენის სიძველისა, შექმნა და სტაბილური პროდუქტის მიღება ვერ ხერხდებოდა თანამედროვე ტექნოლოგიების

და მასალების არ არსებობის გამო. პროდუქტის შექმნის სამეცნიერო-კვლევითი ნაწილის გავლის შემდგომ, მისი გაყიდვა და რეკლამირება ხდება ტრადიციული მარკეტინგული ხერხებით, სტანდარტული ავტო სადილეროების მეშვეობით.

ინოვაციური მარკეტინგი, ტექნოლოგიების, პროდუქციის ბაზარზე მიწოდების მარკეტინგული ქმედებაა, რომელიც დამყარებულია წარმოების საორგანიზაციო-სამეურნეო მოღვაწეობაზე და მისი პროდუქციის ინოვაციურ შემადგენელ ნაწილზე, წარმოების საბაზრო სეგმენტის გამოკვლევასა და მასზე აქტიურ ზემოქმედებაზე.

ეს განსაზღვრა, შეიძლება გარკვეულწილად დავახასიათოთ როგორც ინოვაციის მარკეტინგი. ასეთი მიდგომა უფრო ობიექტური და მიზანმიმართულია, ვიდრე ინოვაციური მარკეტინგის კონცეფცია, რომელიც მოიცავს პროდუქტებისა და მარკეტინგის მეთოდების განუწყვეტელ გაუმჯობესებას.

იმის გათვალისწინებით, რომ ინოვაციური მარკეტინგი იწყება საქონლის სასიცოცხლო ციკლის პირველივე სტადიიდან, მიერთებულია სამეცნიერო-კვლევით და საცდელ-საკონსტრუქტორო სამუშაოებთან (სკსს), გასაგებია, რომ ამ ასპექტში იგი უცილობლად ერწყმება წარმოების მართვის სისტემის ფუნქციონალურ ქვესისტემას.

თანამედროვე პირობებში, ინოვაციური მარკეტინგი მოიცავს თავისი რეალიზაციის შემდეგ მიმართულებებს:

1. ორგანიზაციის ინოვაციური პოტენციალის განვითარება;
2. წარმოების მზადყოფნის ხარისხის ამოღება იმ ამოცანების შესასრულებლად, რომლებიც ხელს შეუწყობენ მის განვითარებას ბაზარზე;
3. დასახული ინოვაციური მიზნების მიღწევა;
4. ინოვაციურ შემუშავებათა სტიმულირება არსებული კვლევითი და საკონსტრუქტორო პოტენციალის საფუძველზე;
5. მზადყოფნის ხარისხის გაზრდა არსებული ინოვაციური პროექტების რეალიზაციისათვის.
6. ინოვაციურ გარდაქმნათა წარმოშობა

რეალიზება, მათ შორის საწარმოს შიგნით;

7. ინოვაციების და ტექნოლოგიების დანერგვა მარკეტინგული კვლევების საფუძველზე.

სამეცნიერო-ტექნიკური პროგრესისა და ტექნოლოგიის განვითარების მიღწევების საფუძველზე შექმნილი ინოვაციების რეალიზაცია, უზრუნველყოფს სასურველი ადგილის დამკვიდრებას ბაზარზე.

ინოვაციური მარკეტინგი, ახალი ტექნოლოგიების ჩარჩოებში, ხორციელდება წარმოების შინაგანი დანაყოფების ბაზარზე, რომლებიც ფუნქციონირებენ საინოვაციო, საკონსტრუქტორო, საინჟინრო განყოფილებების ფორმით და რომელთა საქმიანობაც მიმართულია ინოვაციური პროდუქციის ბაზარზე გატანისკენ. ამ კავშირში, მნიშვნელოვანი ასპექტია საპატენტო-სალიცენზიო სფეროს სპეციალისტების ჩართვის აუცილებლობა, რაც საშუალებას იძლევა განვახორციელოთ სხვა და სხვა პროცედურები ინოვაციების გამოსაყენებ-

ლად კომერციული მიზნებისთვის. ინოვაციების პრაქტიკული დანერგვა, ბევრ სფეროში ნელა ხდება, მაშინ, როდესაც მთელი რიგი დარგები აქტიურად იყენებენ ინოვაციურ მარკეტინგს და ამადღებენ ინოვაციების დანერგვის სიჩქარეს. უპირველეს ყოვლისა, ტელეკომუნიკაციის სფეროში.

Big data ანუ დიდი მონაცემები არის უახლესი სიტყვა მარკეტინგურ კვლევაში. უპირველეს ყოვლისა, ეს პანელების მონაცემთა გაერთიანებაა, რაც ჩვენ უკვე აღვნიშნეთ. ამავე დროს სოციალური მედიის ანალიზია, რომელშიც გაერთიანებულია უზარმაზარი საინტერესო მარკეტინგული ინფორმაცია ეს ანალიზი შეიძლება დაემატოს ბრენდის ტრადიციულ გამოკვლევებს. ამასთან, ეს დიდი შესაძლებლობებია, რომელსაც შეუძლია მოგვცეს ფიქტური ოპერატორების მონაცემთა მასივის ანალიზი. და ბოლოს, ეს ანალიზი, ე.წ. Return Path Data, ანუ საკაბელო ოპერატორების მონაცემთა ანალიზი, შეიცავს გიგანტურ მონაცემთა მასივებს ტელეფონების შესახებ.

გამოყენებული ლიტერატურა:

1. ა. აბრალავა, ლ. გვაჯია, რ. ქუთათელაძე. საინოვაციო მენეჯმენტი. 2015.
2. ნ. გალახვარიძე, თ. ზარგინავა, ე. ბარათაშვილი. 2015.
3. Marketing Management (5th ed.). New Jersey: John Wiley & Sons, Inc. p. 209. ISBN 9780470088586.
4. Kotler, Philip; Keller, Kevin Lane (2006). Marketing Management (12 ed.). Pearson Education.
5. Robert R. Harmon. (2003). Marketing Information Systems. Encyclopedia of Information Systems, Vol. 3. Elsevier Science (USA), 137-151.
6. S. Priyadharshini, R. (2004). Management Information Systems. India: New Page International(P) Ltd. p. 99. ISBN 8122415490.
7. Pride, William M.; Ferrell, O.C. (2010). Marketing. Canada: Cengage Learning, Inc. p. 148. ISBN 9780547167473.
8. Birn, Robin (2004). The Effective Use of Market Research: How to Drive and Focus Better Business Decisions (4th ed.). Great Britain: Kogan Page Limited. p. 22. ISBN 074944200X.
9. Sandhusen, Richard L. (2000). Marketing (3rd ed.). Canada: Barron's Educational Series. p. 165. ISBN 9780764112775.
10. Jaideep, S. (2015). "MIS: Marketing Information System (With Diagram)". Your Article Library.
11. Bhasin, Hitesh (23 Oct 2015). "8 Advantages of Marketing Information Systems". Marketing 91.
12. Kotler, Philip; Armstrong, Gary (2010). Principles of Marketing (13th ed.). United States of America: Pearson Education, Inc. p. 153. ISBN 9780137006694.

The Essence and Meaning of Innovative Marketing

*Irakli Inasaridze, PhD student
Georgian Technical University*

Summary

In this article discussed are essence and meaning of innovative marketing. Which is part of traditional marketing with the implementation of a new marketing methods involving significant changes in product design or packaging, product placement, product promotion or pricing.

Discussed marketing elements, based and enforced by modern digital technologies which pursue development and promotion of innovative products, from concept to sales stage. This article is dedicated to the innovative marketing concept and usage of its components. Which states its important role in all stages of innovation process, from research and development to market distribution and sales. Customer Engagement innovative methods and technologies.

Innovative approaches to marketing research are also discussed in article. Innovative data analytics and use case scenarios give modern marketers ability to improve accuracy of results, volume of data mined, decrease time to market and overall research time.

The introduction to the relevance of the topic for research is well founded, the aims and objectives of the research, research facilities and methods, the main results of the study and scientific news.

Review of the literature highlights main world literature in marketing which covers and studies all topics related to this study, Methodology, nuances and tendencies. Scientific discoveries and business cases also were used to this document.

Key words: Marketing, Innovation, Innovative marketing, Modern Marketing, Modern marketing research, Data research, digital marketing, innovative solution, innovative management, Modern approaches in management, modern approaches in marketing.